

藍山縣圖志卷二十九

人物篇第十之七 忠烈列傳第五十二目錄

朱元輔

孫紀良

鍾良欽

吳肇封

蕭風煦

黃萬金

厲祖靈六子

李月台

成天福

成天緯成天熙周順發鄧世才李榮星

彭里潤李澤民鄧雲龍黃克儒曾光秀

廖

廖

廖

紹邁

廖堯肅廖餘慶厲濟寬厲丙

彭貴韜

黃燦然蕭正名楊標

忠倫蕭祿雋謝閏發

黃喜光

彭三寶

雷雨施

段榮顯

振振武

陳澍森

蕭春棠

李仁山

李雲清

李鳴春

梁振

劉先

正 龍在田

高樹枏

朱雲青

朱崇志

民國從戎陣亡者朱

斌等

藍山縣圖志卷二十九

人物篇第十之七

忠烈列傳第五十二

忠孝爲人倫之極詣自其家曰孝自其國曰忠故曰求忠臣於孝子之門其義貫也輓近諱言君臣乃勑爲忠於一姓戕殺同胞之論嗟乎此以利用於排革之趨勢則然耳今試問辛壬以降所謂匪者逆者亂黨者孰爲同胞孰非同胞乎國曰共和而民必有主所謂總統也近無總統而委員必有長所謂主席也總統主席以下必有屬焉寧非君臣之分乎命令不可違非昔之所謂天不可逃乎今但以國非君主不尙臣節而或謂共和甚於專制僚屬習

藍山縣圖志

卷二十九

人物忠烈列傳

一

於苟容皆無可爲諱者夫忠於一姓誠隘甲仆乙興各忠於所同而伐其異寧無一姓之嫌乎樹黨立國而何以必求忠實同志乎然則君主之忠於一姓民主之忠於一國苟致其極浩然剛大之氣埒之充塞天地矣顧今猶有所謂忠於一國不如忠於世界者一姓而苦其專制變而之於一國一國而競於權利變而之於世界其皆有相因之勢乎我以能殺彼爲忠烈彼亦以能殺我爲忠烈彼亦一忠烈此亦一忠烈消遙齊物訖無定論積非勝是是宜有界說以立其綱覘事勢而知所審藍山建邦二千餘年變亂之轍亦已靡矣都人士或出而死力於國家或處而授命於鄉里湮沒無聞者曷可勝道道其事實昭著流傳在人口者存正氣於什

一、而攄國殤髻弔之思云爾。

朱元輔字應斗，明光宗泰昌初，應經明行修科，貢京師，謁禮部尙書董其昌，甚器異之。其昌官湖廣督學時，元輔其所得士也。時朱氏方修族譜，元輔乞其昌序以歸，乃續成其叔父尙禹司訓修譜之役。尙禹有傳。元輔既歸自京，介性自慊，不樂科第，喜談天算、兵律、料事，多奇中。時流寇起，元輔上書，偏沅巡撫陳睿謨條論治寇方略，睿謨嘉之。崇禎十六年癸未，張獻忠破衡州，遣僞官胡聖華、張以成略藍山。元輔與女夫成魁榜密謀起義，約庠生成鼎、甲成居正等擒僞官反正，各出合兵，謀洩，張以成執殺之。臨死，罵不絕口。其後兩廣總督沈猶龍遣兵復臨武藍山，以元輔義烈，下檄褒

藍山縣圖志

卷二十九

人物忠烈列傳

二

揚發官銀立祠，自爲文弔之。其辭曰：登堯亭而北望些，見百疊之飛雲，胡蚩尤之霧陰些；耿孤光而炯天，繫先生之積學些；蹇抱鄴於空山，膺龍飛之寵詔些；翩還臥於松筠，泰不縻其好爵些；否乃見其致身，蓋光廟之儲畱些；明養庠之有倫，凶寇渡湘風塵昏些；千里空壁，國無人些；白日照渠，髮昏昏些；遂登祝融，濁舜源些；於惟先生，默獨嗟些；潛運中正，就重華些；懷怒未發，虹貫日些；昏瞽闇眩，逞毒螫些；笄鳳鈕，麟相牽，桎些；嗟來先生，始全節些；惟先生些；繼張睢陽之壯烈，同蔡長沙之罵賊，雖人百其身些；不能挽夫子之劍，鑕憾薄俗，無司直些；羌壅蔽此明德，明定論於近見些；余握憲之所職，奠椒酒以慰忠魂些；風懍懍而逾厲，行表揚以入告。

些愧生者於千世詔特贈元輔爲國子監助教命有司立祠致祭居正傷元輔死旋走兩廣陳利害於沈軍門猶龍委以軍前贊畫旋監通判卒於長沙部院何弔之有爲國忘身功在封疆之語檄藍山縣給賻二十金按元輔以發憤誅流寇僞官而死凜然正氣千載如生而當時流俗怵於利害之勢里人士竟有訾議其爲不量力不度德者是眞王船山先生所云利在盜賊則從而盜賊之者矣元輔有弟曰夢龍親見當時事狀爲之記云崇禎癸未秋關陝劇賊張獻忠大寇湖湘長驅至衡更名西府晏然稱孤僞授官職四略郡縣凡世家巨族莫不厥角稽首北向拜舞延至吾藍僞知縣胡聖華縣丞張以成主簿某教諭徐則新典史譚本宗原

藍山縣圖志

卷二十九

人物忠烈列傳

三

任本府經歷署縣事胡琦賫印降賊僞受游擊將軍據藍相競爲虐更兼叛官通判李文華爲刀俎以魚肉百姓吾兄元輔素與文華不相善也賊至縣閉門家居無一語及家事黃昏夜半時聞其號泣聲予素厚兄乘間叩之兄愀然曰孺子未諳事務予正襟厲言曰大丈夫當戮力王室拯救陸沈值此盤根錯節正壯士功名之曾也兄舉大事願與同命兄改容收淚以謝陰結里中壯士數百人並義士封元吉城西豪傑成魁榜成居正等立爲總領約某日爲內應梯城入已生縛知縣典史等僞官而游擊教諭邑丞爲叛官李氏所窩藏夤夜大索不獲李氏心知爲兄所謀也乃大張妖言謂西府擁兵百萬吾藍搆此釁不日鼓兵而至城可鞞尖踢

倒也李氏胡琦等陰令僞守備數人星夜奔長沙請兵期以殄滅結義者兄偵獻賊已被官軍破竄入川知其無能爲也更欲糾合勇敢復破城盡擒賊輩事洩李氏陰促賊輩殺兄謗騰井里聚逆黨雷道化等於大羅山每日椎牛高會聲言欲誅某某或勸兄爲退避計兄叱之曰是兒輩所爲也讀聖賢書所學何事不能爲國家克復神州除夷虜而顧臨難苟免乎俟賊來吾以劍斬之是時吾族人以妖言皆扶老絜幼亡匿鄉落賊輩圍宅如鐵壁呼聲動天兄從容披衣而出撫腹謂賊曰此皆節義文章也可相逼乎賊怒挺槍直取兄目眦盡裂頭髮上指拔劍砍賊幾中其肩而逆黨擁入勢不能支竟爲所縛強之屈膝兄怒云殺便速殺我何人而

藍山縣圖志

卷二十九

人物忠烈列傳

四

跪狗輩乎李總戎大軍將至碎你萬段乃慷慨歌文文山正氣歌數句不能成聲泣數行下遂遇害兄博學好古於書靡所不讀尤深於春秋爲三楚知名之士正色行事不阿於人人不敢干以私好面折人隱私不能善自韜晦太剛必折宜其及禍也

孫紀良字光南邑之東隅人世居早禾洞少習詩書長諳世務由俊秀入成均賦性闊達喜結納重然諾脫去一切世俗町畦尤好排難解紛不避嫌怨咸豐癸丑冬尹匪突來蟻附攻城邑令張嗣康督同官紳登陴捍禦紀良饒膽氣嫻武略籌畫軍儲協力固守當是時賊鋒方銳又承平久乍見鋒鏑人情危懼紀良靜鎮毋少恇擾而礮彈飲食之需罔有空乏賊盡攻擊之術歷四晝夜不休

卒不得逞會儲玫躬督兵救至分途截擊賊乃解團遁紀良乘賊氣奪思窮追大創之偕儒生鍾良欽短衣持械率鄉壯數十人出城殺賊良欽時年二十餘血誠果敢不亞紀良諜知賊由東路竄疾趨及賊於七里江爭先擒獲數賊前賊反戈蠡至眾寡不敵紀良遇害良欽亦死之嗣康錄狀請卹時曾國藩大治團練手書匾聯各一專差齎奠其輓紀良聯云兵法傳家舊業龍韜承武子男兒報國壯懷馬革步文淵輓良欽聯云大節出書生竟賦國殤哀翟義奇功畱故里須知安堵仗終軍事聞勅贈世襲雲騎尉逾年攻躬以勦匪陣亡嗣康追念救藍功倡立忠良祠遂附祀焉

吳肇封南平鄉人少孤從叔父世涵受經樸質勤學世涵念其貧

藍山縣圖志

卷二十九

人物忠烈列傳

五

也資以衣食教成之道光辛丑充歲貢生咸豐五年春三月尹尙英敗匿石鼓塘鄉民知其所在莫敢捕或告肇封肇封已老毅然曰尙英衣冠中人以小忿倡大亂敗不走死敢居近縣不誅必復禍然報官請兵遲矣於是偕厲楚青劉訓芹等託爲上冢夜圍尙英居尙英登樓以刀自衛一子從之眾莫測其凶狠不敢上肇封揮壯丁躍登戈斷其胛顛禽尙英及其子以功敘補東安訓導越五年石達開陷東安肇封衣冠正坐與次子高才俱不屈死追贈文林郎以七品例卹長子國華襲雲騎尉

蕭風煦祖居南平之圓山徙居南城父吐芬號天葩工書多藝能亭臺花木雅有別致所謂攬勝樓者也性好施與建橋修路樂捐

不吝風煦其長子也。以附貢生保教官。咸豐八年署衡州府訓導。十年署東安縣教諭。後肇封一年。履任未久。亦死於寇。卹如例。東安人稱藍山二學官。不愧人師云。

黃萬金。東隅人。初立東一團。訓練鄉勇。以忠義勉人。人甚重之。咸豐四年春。尹尙英犯嘉禾。萬金建議往救。率軍出至大泉。猝遇賊。賊反旗避之。追急。賊回鬥。團勇退。萬金自督陣。率退者。爲賊禽。引行至柵木橋。罵益厲。賊燒錐刺項及胸。以死。其秋九月。賊掠新墟。厲祖靈厲六子俱鬥死。

李月台。西山勇士也。膂力過人。走及奔馬。手能搏猛虎。平時以樵獵自給。恂恂如也。軍興。爲界牌團長。團皆徭人。善登山。習火器。號

藍山縣圖志

卷二十九

人物忠烈列傳

六

敢戰。然人人自以爲不及。月台常持大旗爲前鋒。咸豐五年乙卯春二月。紅巾土寇洪英堂眾二千餘人。至界牌。徭丁阨險擊之。月台先陷陣。斬級奪旗。賊披靡反走。月台疾追。眾不能從。賊噴火筒斷道。月台冒火死。

成天福。舜鄉一都人。有膽略。眾推爲團練長。連州沙坪距縣境南風坳二十里。有賊數十人。踞爲巢穴。常出劫掠。天福率丁壯三十人。夜造其砦。掩擊之。生禽五人。歸送縣。正法。咸豐乙卯之役。洪英堂匪黨竄入牛塘口。天福率隊與戰。殺其前哨數人。賊退窮。追後者莫繼。力屈墮水。遇害。鍾範誅之以詩。稱其死爲雄鬼。志穿金石。其時同死者。有成天緯。成天熙。周順發。而先一年。尹尙英圍城有

鄧世才者以股枕巨礮轟賊退世才亦礮傷死尙英退花果園拒賊死者有李榮星彭里潤後走鴉雀冲生員李澤民鄧雲龍轉掠盤石墟則黃克儒曾光秀俱拒戰死

廖紹邁鳳感鄉人主團練果決有能名咸豐己未石達開回竄紹邁集團兵三百拒賊陷戰紹邁及族人堯肅餘慶皆死達開眾號三十萬宿將遇之猶震恐紹邁無戰守之責憂憤與戰敗死後賊遂東北掠南平鄉貢生厲濟寬生員厲丙熙監生李廷翰李猶龍及諸李死者六人唐朝試等凡十六人復北掠大慈鄉死者千計而彭貴韜等死尤烈

彭貴韜號天章大慈鄉人居鄉以廉正見重咸豐己未賊掠大慈藍山縣圖志

卷二十九 人物忠烈列傳

七

被執欲引之見石達開貴韜植立不肯行賊刃其腹洞腸死越年辛酉例貢黃燦然蕭正名及楊標緯顏向明俱以罵賊死夏五月石黨再犯藍山攻城門死者有楊景榮廖忠倫蕭祿雋謝閏發及餘黨由廣西回竄毛俊李澤宗李澤宣拒戰死同死七十餘人宗宣兄弟也宗武庠宣文庠俱有名而南平鄉人李盛才有膂力辛酉賊亂攜老幼山中賊迹之與鬥殺數賊力竭遇害

黃喜光字耀南舜鄉人幼有膂力能負百餘斤捷走性好獵行必臂火槍遇野物必殪之同治初王德榜援江西廣東喜光從爲百夫長衝鋒陷陣多所斬獲嘉應州之役德榜爲賊所乘前走阻河無舟楫追者至喜光負之以渡德榜甚感之德榜治軍嚴喜光嗜

食洋藥成癮特聽之然落拓無進取志散兵歸田亦不喜治生產家居鬱鬱常爲人負擔以自給光緒十年法越構釁德榜宿將募兵往援喜光從行爲偏裨甫出關北寧失守諒山告急德榜督軍進喜光恃勇先驅麾眾搏戰飛彈洞胸死德榜深惜之事聞例襲雲騎尉

彭三寶古城人體雄偉性豪邁啞啞吒吒千人皆廢年二十餘入武庠性疾惡如仇尤憾盜賊匪類辛亥秋有盜夥入村其人皆飛樑走壁力敵十餘人三寶禽之如縛嬰兒送官誅之自此盜賊不敢入村然三寶後爲匪所誣死禍卽胎於此咸豐癸丑冬土匪陷常寧新田嘉禾十一月十八日尹尙英率悍賊千餘寇藍城古城

藍山縣圖志

卷二十九

人物忠烈列傳

八

村當衝居民驚散知縣張嗣康募勇守城賊攻不克退踞古城分賊還攻誓以必取二十二日廣勇來援戰於城東敗績賊愈猖獗二十四日儲玫躬魏崇德督湘勇千餘由北鄉來示告居民同來觀戰遂集數千人圍賊於古城用開花礮温者斯擊賊賊披靡遂大潰殺賊可四百餘名擒斬二三百人遺黨四散被居民格殺者無數邑紳孫紀良鍾良欽追賊盡節於七里江是役也古城廬舍化爲邱墟匪劫之餘繼以兵掠財物積藏蕩然如洗儲魏所部兵鈔掠尤甚彭姓竟以上聞而官軍則以古城多匪謂焚掠匪巢非焚村也然事無左證會有獲賊簿者魏崇德等見簿內有彭名三寶者並記有戰功遂私計曰聞彭姓有武生名三寶當是其人事

果實、則官兵可無焚村之嫌矣。遂拘三寶嚴鞫，酷刑榜拷。三寶體無完膚，押監數日，獲土匪賀臨江，訊以彭三寶事，則曰簿內彭三寶乃嘉禾人也。我素交好，皇天在上，不敢以彼而誣此。崇德等置若罔聞，立誅賀。又數日，獲一土匪高某，即前三寶所禽盜徒也。遽供曰：彭三寶實屬古城人。攻城時，獻火藥一擔，故記有槍功。三寶對質，高矢口抵之，並謂古城賊黨甚多，三寶憤罵之，呼天冤枉。復用炮烙刑，皮肉狼籍，僅存微息，終不誣供。其日先殺高而後殺三寶焉。未半載，魏崇德以喪師殃民，爲曾國藩所戮，而儲玫躬亦在寧鄉遇伏陣亡。三寶死後，獲嘉禾真賊彭三寶伏誅。詳事紀篇。君子曰：古今之冤獄，未有過於岳飛者也。飛以精忠報國，徒以銳志

主戰不利於姦檜之和議，宋高宗惑於檜言，竟冤殺之。韓蘄王謂莫須有三字不足以服天下，亦苦無救。三寶之死，以其族人上愬，暴兵虐民，不利於官軍報功陞官之希望，乃必誣三寶爲匪殺之，以掩其縱兵搶掠之迹，而功又可邀。是皆以功利寵祿殺人者也。武穆之獄，關係古今國家忠奸之辨存亡之繫。三寶雖匹夫當時士庶咸知其冤，爭爲論救而不得。至今事近百年，縣人士猶冤之。斯亦一縣人心是非明暗之存也。亟錄之以爲妄殺徼功者戒焉。雷雨施，字濟菴，夏陶坪人。年十九入武庠，膂力過人。二十四歲投江華王德榜營，以功授五品藍翎。光緒初法蘭西之戰，陣亡於越南。

段榮顯祖湘有傳榮顯才志奮發初出渝關畢業於吉林法政學堂復東渡日本留學歸國充吉林省立師範學堂監督有聲譽歸里被舉爲閤邑總局協辦民國三年粵匪擾邊榮顯督隊守草鞋坪金盆砦防禦甚力匪不得逞九年藍嶺匪首楊六仔等捉人勒贖禍至無日榮顯率班長彭士斌等入山搜捕數人僂之人心大快十年南平鳳感二鄉聯團推爲督催員治事勤敏勦匪憤激所居均田村近接南嶺匪穴一日按事赴洪觀墟去村里許中堂山遇害子姪輩振威振武十二年先後打匪陣亡

陳澍森字鏡三南平鄉三广頭人父觀瀾貤封朝議大夫澍森生性不苟葷好坐蒲團參禪父母禁之讀書應童子軍試不售去而

藍山縣圖志

卷二十九

人物忠烈列傳

十

之鄂入陸軍隨營學校工程科畢業旋渡遼陽初充新軍馬隊不樂嘗從鐵嶺稅局雷飛鵬分司石佛寺卡轉盤山廳同知易佩岳幕爲掾吏俱有廉名辛亥革命南歸任鄂軍政府參謀民國五年充藍山縣警備隊長臨武王毓賢糾合粵匪圖攻臨武城澍森率兵二排往援有功七年充藍山游擊隊長有谷效文者奉滇軍檄爲臨藍嘉三縣游擊司令將委澍森爲第一營長意在收編藍山槍枝也澍森不應命旋辭職他去十年回湘爲審計院職員十二年三广頭故廬被匪焚澍森無家可歸客嘉禾友人雷壽林家十四年朱樹欣爲游擊隊長促澍森歸創辦同義配義當義好義聯團十五年粵匪鄧石喜寇縣勢張甚人心洶洶或曰款之或曰擊

之無定謀，澍森排眾議，主急擊，眾推爲臨時指揮，遂驅鄧匪出境。十六年夏，陳光保攻寧遠城，蔓延入境，澍森將一隊出屯正誼墟，及寧遠城陷，澍森復調配義六區團兵，合力防邊。九月十七日，匪大至，澍森督隊奮戰，匪眾我寡，勢不支，澍森中彈死。同時死者有江華人由錦田調來之高隊長峰、邱排長福林。

蕭春棠以字行，西隅人，自西門祖村出居磨石嶺，父以農起家，春棠少讀書，好拳術，弱冠投粵軍，充排長，以勇敢聞。民國十二年，縣境苦匪，春棠假歸，糾合村近丁壯守望，匪不敢犯。陳炎德就撫，實懷異志，十三年夏，張國威熊震二團長來縣解散所部，炎德走西嶺，春棠合眾扼之，奪獲器械，有差朱樹欣任團防總局長，鄧體元

藍山縣圖志

卷二十九

人物忠烈列傳

十一

副之。委春棠爲排長，旋改爲第一隊第一排長。時縣北接嘉禾，近南嶺，匪巢無日無劫掠，春棠率部東馳西擊，清除百疊嶺、楊梅山一帶匪館，助成四義團防局。於是太平墟至嘉禾油涵鋪，以達湘衡北道，乃通。先後癩子嶺、槳洞、貓仔冲、南嶺山，勦攻諸役，春棠恆以身先衝鋒。十五年，以功陞第一隊長。陳匪光保既就撫，不久逃回南嶺，春棠往攻，帶傷。光保竄寧藍界之善慶菴，春棠傷愈，請往攻。九月二十五日，春棠偵知光保子彈罄，欲生禽之，連衝其鋒者三，而寧遠李子青暗送子彈於光保，勢反振。春棠之排長李仁山陣亡，春棠亦傷，收潰兵，保眾於山隅。乘夜過姚家，姚家故與匪通者也。春棠不知之，竟爲所害，藏屍於石巖中。十六年夏，案破歸其

屍仁山字超南李家圍人少貧性英邁初投滇軍見習轉武衛軍委員民國十三年朱樹欣任爲團局教練善慶菴之役仁山方駐防半山以其勇也調赴助戰仁山奮勵當先連奪數山忽中彈仆陳匪殘其屍

李雲清以字行南平鄉毛俊人初充游擊隊正兵升班長十五年游擊隊開講習班雲清請入焉畢業升中士十六年升三隊排長十七年陳光保攻城許克祥師長部下曾營長紫斌來救遽令雲清出城迎戰雲清出北門外激戰移時匪退雲清奮追中彈死李鳴春南平鄉塔水人父朝俊貢生鳴春敏於問學畢業廣益中校又畢監獄專科業致身法吏有年民國十二年歸里傷亂決心

藍山縣圖志

卷二十九

人物忠烈列傳

十二

練團時匪徒程玉古等肆惡恣毒鳴春恆以昏暮伏兵李得惠村之蕎麥田伺匪踪捕數人正法十四年夏深夜入南嶺禽段曹瑞誅之十五年冬十二月匪首周文率眾圍新田急乞援人有難色鳴春奮身赴救圍解十六年夏五月陳光保圍寧遠鳴春方病強起率兵往遇賊於寧遠之三里亭匪眾不支遇害是役與鳴春陣亡者有梁排長振曾排長璠

劉先正南平鄉坦頭人孝親好善喜談陰隲故事與人言輒引誦法戒錄暗室燈諸書人聽之不倦坦溪族學捐田任募克底於成民國十年避南嶺匪攜家入城既而曰避匪非策也乃與陳澍森等返里倡治同義配義當義好義聯團及各區分團志在滅賊勞

怨毋憚十六年任四區區長時辦團誅匪往往過所當或株連親屬或嫁匪妻或充匪產先正曰匪當除良善亦當分其甘心於匪者誅之其脅於勢者可宥也里人咸服其平十六年夏寧遠陷城之役先正與澍森同事於正誼墟犄角相望九月十七日亦飲彈死既死猶手持一槍身負二槍

龍在田南平西河元山人國子生敦篤任事清季西河高級小校其所督建也民國九年十年間匪起在田任三區區長勦捕匪徒打仗以數十計藍麓一帶居民賴以安輯十二年匪復盛二月二十日率隊與匪戰於寺鎮台斃匪四人越日匪大至圍在田眾寡勢殊在田被數彈死死時猶呼殺賊不休

藍山縣圖志

卷二十九

人物忠烈列傳

十三

高樹柵南平泗頭高家人父翔漢庠生樹柵魁梧有力少時即能舉二百斤拳石學書未成去而學劍師事李才聖唐春和精拳術鍊氣呪符輒有異狀訪技四方未嘗有敵躍高趨捷追先奔馬民國十二年匪惡高土土等五人圍之樹柵以一敵五斃三人逸二人十四年匪復劫其家已合圍樹柵持木棍奪門出當者立仆未幾匪眾荷槍大至樹柵中彈死死時猶奮身踢斃一匪云

勦匪陣亡者朱雲青字績福東隅人家貧孝母初入東一團兵伍十三年調游擊隊班長以廕職稱十四年隨縣長雷運樞隊長朱樹欣清鄉於洪觀墟匪突至雲青奮力抵禦運樞樹欣幸免於難而雲青中彈死同族朱崇志一名崇祉十六年陳光保圍城之役

崇志從孫參謀嘉謀部署兵伍甚力九月十八日匪攻城急崇志
巡守西城見匪梯城將登崇志俯堞擊登者斃之飛彈中崇志亦
死二人均給卹入忠義祠

民國從戎陣亡者朱斌字文清東隅人父宣棣初艱於嗣撫兄子
起賢爲後及生斌而推測五行慮其不育行善祈天卒以長成斌
性沈默有氣宇游於學校以優等著十四年往投黃埔軍事政治
學校既畢業見習軍役從攻惠州旋下長沙升連長攻鄂轉贛奮
勇異常陣亡於南昌譚藝鳳感鄉人少不羈投軍以功任連長治
兵尙嚴轉餉於江西高安兵譁變遇害劉湘鳳感鄉彰義團石頭
下人父玉瀚忠厚好義嘗捐巨貲倡建三里亭施茶水行人誦惠
藍山縣圖志

卷二十九 人物忠烈列傳

十四

湘從戎爲上尉連長陣亡於常德

贊曰大劫當前孰能正命不畏不徇以盡吾性英風義烈後先輝
映我哀國殤鬼神猶敬

忠烈表一

明

朱元輔
崇禎末年
實事見傳

胡文貴
西豐八團人
咸豐元年以

吳肇封
咸豐時
任安

孫紀良
咸豐時
有

廖紹邁
咸豐時
有

胡文星
西豐九團人
咸豐元年以

鍾良欽
與孫良

廖堯肅

廖堯肅

廖堯肅

什長從軍
攻陣亡

蕭風煦
咸豐時
亦東

鍾良欽
與孫良

廖堯肅

廖忠倫
九城人
咸豐元年

黃萬金
咸豐時
有

厲濟寬

厲濟寬

劉述智
南平鄉人

厲祖靈

厲丙熙

厲丙熙

於安南
省志

厲六子

李廷翰

李廷翰

江章以
軍哨官
死於李鴻

李月台
咸豐時
有

唐朝試

唐朝試

蕭榮
西豐八團人
咸豐元年

成天福
咸豐時
有

彭貴韜
咸豐時
有

彭貴韜

雷雨施
光緒間
王

成天緯

黃燦然

黃燦然

黃喜光
光緒間
亦

成天熙

楊標緯

楊標緯

陣亡榜
有傳

鄧世才

顏向明

顏向明

諒山德
榜軍戰死

周順發

楊景榮

楊景榮

尉有

李榮星

蕭祿雋

蕭祿雋

藍山縣圖志

卷二十九

人物附忠烈表一

一

清

當官死難者

本地拒匪死烈者上

本地拒匪死烈者下

藍山縣圖志

卷二十九 人物附忠烈表一

二

彭里潤

李澤民

鄧雲龍

黃克儒

曾光秀

十人俱附
成天福傳

謝閏發

李澤宗

李澤宣

李盛才

十人俱附
彭貴韜傳

忠烈表二

民國以來從軍陣亡者

梁麗通二義年團

陣亡於南山

京紫荆山

雷龍海仁義

三年死於桂陽縣事

劉國賢南平

年陣亡於汀泗橋

朱斌東十五團

藍山縣志

年陣亡於北伐

有南傳昌

劉國安彰義

連長五年北

伐軍陣亡

利運深協義

連七年死

於廣東甲

江沅七甲

雷震宇秉義

民國以來團防打匪陣亡者上

利昌郿協義三年團

追匪亡於香爐石

雷孟雄雷家

孫逢吉早禾

鄧友文

李鴻寶

四月在良

源被粵匪圍戰死

卷二十九 人物附忠烈表二

李同學

蕭顯爵

二名錦藍於團

人追匪亡

陳宏瑤取義年團

與陳匪宏

段榮顯配義年團

被匪殺於中

王啟忠配義入團

山偵匪被入團

民國以來團防打匪陣亡者下

陳澍森隊長

何運開

劉玉清

劉先進區長

正有傳

何金銀

陳光隆

段振威

一

鄭昌福

劉海青

晏子華

周譜成

周泰來

周書林

周俊吉

唐長德

胡德亮

彭長茂

團防打匪陣亡未詳籍里年地者

唐仕林

唐宏貴

何德華

吳仕榜

蔣有勝

歐木生

陳啟川

楊上春

國軍在縣打匪陣亡者

熊桂林永州

人

吳士榜

張鎮湘永州

人

蔣友勝

莫玉林

唐得標

周迪臣寧鄉

人

唐義興陽祁

人

陳世俊遠寧

人

楊玉春常寧

人

袁得中興資

人

<p>劉湘 傳有</p> <p>譚藝 傳有</p> <p>金發 卹</p> <p>民十 政九 府年 頒國</p> <p>山攻 賊勦 陣毳 亡琶</p> <p>少團 校四 連連 長為</p>	<p>藍山縣志</p>	<p>四隨 軍年 官以 學黃 生埔</p> <p>楊傑 人大 十慈 五鄉</p> <p>徐戰 州死 於</p> <p>長年 與以 閩區 軍隊</p> <p>黃鉞 人東 十一 九團</p> <p>金卹 政肥 府城 頒國 發民</p> <p>死與 於閩 山軍 東戰</p> <p>少十 校九 連年 長以</p>
<p>唐天德</p> <p>唐孔才</p> <p>俱配 義團 人</p> <p>李益三</p> <p>段華岳</p> <p>龍開甲</p> <p>龍在田 傳有</p> <p>戰年 死與 句陳 掛雅 山俗</p> <p>趙貴玟 總西 十河 二團</p> <p>而匪 死奮 門</p>	<p>卷二十九 人物附忠烈表二</p>	<p>李金生</p> <p>李樹墉</p> <p>田玉成</p> <p>洪戰 觀死 墟於</p> <p>人四 十名 年配 與義 匪團</p> <p>程蘊古</p> <p>劉兆德</p> <p>李廷古</p> <p>李仁開</p> <p>人三 十名 一精 年義 與團</p>
<p>亡陣 於正 誼匪 墟戰</p> <p>與陳 誼匪 戰</p> <p>九以 月十 十六 七年</p> <p>義七 團名 人俱 亦配</p> <p>陸得勝</p> <p>劉賢清</p> <p>蕭宗開</p> <p>陳興相</p> <p>鄭冬次</p> <p>駱忠治</p>	<p>二</p>	<p>劉六貴</p> <p>亡戰 陣</p> <p>墟日 與在 陳正 匪誼</p> <p>九人 月十 十六 七年</p> <p>俱好 十二 二名</p> <p>周光隆</p> <p>駱肇瑞</p> <p>黃裕清</p> <p>蕭得發</p> <p>蕭貴林</p>
<p>黃正標</p> <p>雷德喜</p> <p>張將</p> <p>顏冬喜</p> <p>黃求發</p> <p>黃旺春</p> <p>廖昌立</p> <p>楊宗發</p> <p>蕭兆中</p> <p>黃玉清</p>	<p>二</p>	<p>楊壽才</p> <p>楊春廷</p> <p>黃源標</p> <p>羅業芳</p> <p>楊玉標</p> <p>黃憲邦</p> <p>黃宗興</p> <p>蕭賢雲</p> <p>曾石成</p> <p>胡長茂</p>

藍山縣圖志

卷二十九

人物附忠烈表二

俱恆義團人

龍兆豐

鄒志喜

楊閏發

楊知林

楊學詩

俱精義團人

以上十一年人

與陳匪炎德戰死

李範湘

駱明林

熊兆文

熊鎮國

周冬苟

黃雙保

梁滿文

唐禮佑

蕭紹文

王鉛仔

朱應革

廖漢清

李寶元

朱雲清

彭錫奎

李光球

蕭海芹

雷玉田

廖新發

段超勝

周光龍

劉錫庚

黃景春

段瑞成

俱配義團人
十三年俱以

區長督隊與
匪戰死於洪

觀墟

唐冬才

廖如玉

龍新經

蕭洪稿

配義團人

精義團人

精義團人

南團人

俱好義團人
十六年

九月十七日
與陳匪戰

戰於正誼
墟陣亡

黃耀庭

朱崇志

封順昌

廖雲橋

郭玉堂

朱祺林

陳光現

周良貴

雷發德

羅金才

黃慶宋

雷雲標

沈武斌

胡普清

吳山清

史得勝

黃建廷

藍山縣圖志

卷二十九

人物附忠烈表二

四

四
年亦
以十
三
人
陳
匪
亡
戰

彭程士
東人一

劉金仔

高樹楠
有傳

劉玉古

劉神德

蔣得清

俱配義團人

以上六年人戰

鍾華圖
華一作圈

趙才善

黃鑄歐
學生

雷發得
東二人

李發雄
東二人

劉福貴

楊春廷

楊壽才

黃子云
一作雲

彭先旺
學生

何文友

廖應卿

黃田開

劉得勝

封鴻福

楊孝古

李桂清

楊敬堂

黃紹雄

羅業良

陳匪陣亡
於南嶺

朱雲清
有傳

廖春書
尙人義

梁安守

梁義發

俱通義團人

蕭春棠
有傳

李仁山
附春傳

譚文星
俊人義

王石隆
精人義

封華五
一作萃

鄭興發

楊先沅
一作沅軒

曾梅崽

陳延停

湯玉清

二十三名

俱於十月

七年八月

九日守城

陳雄

曾潤吉

曾玉清

廖雲標

梁滿喜

黃志祥

胡玉發

譚文星

唐開順

黃孟章

藍山縣圖志

卷二十九

人物附忠烈表二

五

八年名俱陳以十
戰亡於
寧遠

蕭任興
協義人

利純

曾士清
仕一作清

蕭多魁
協義人

蕭炳青

曾福林

黃耀庭

盤得勝

鄧家修

厲正才

蕭雲青

黃幼成

十五人俱於
十六年冬

朱有坤

黃源標

與陳匪
戰亡

駱金保

曾玉發

程紹熊

侯貴文

楊旺古

曾春次

周貴標

黃周林

黃漢杰

林福生

黃閏發

羅金才

羅仁旺

楊次名
次一作明

唐開榮

李紹堃

李鳴春
傳有

周文雄

賀和林

李家泰
秦一作

廖昌五

蕭玉林

以上十二年名
亦係十五名

廖福成

蕭桂發

援寧遠與陳
光保戰於三

李滿發

黃漢吉

里亭
陣亡

雷得喜

曾憲清

劉茂禎
人協義六團

李仕宗

以上九詳十
五里未詳

年與沈鴻大英
軍訶門於大

曾石生

籍里年附地
死難者

麻營排
頭陣亡

廖先禮

見於

藍山縣圖志

卷二十九

人物附忠烈表二

六

劉賢祐 南平人

團費徵收員
在塗遇害

曾璠 附李鳴春傳

曾初憲

傳

李榮清 卽有雲青

侯先玳

楊嘉權 一作權家

梁定凱

呂昌發

梁盛喜

趙貴一

廖智魁

蕭顯爵

梁滿文

潘榮生

黃林

陶春陽

黃大老

陳金錄

曾興旺

羅樹龍

黃志成

趙華球

十六年人
於寧於

遠戰亡他
稿年

與曾士清
等

王國平

呂牛才

蔣仁德

呂明玉

郭定林

黃源溥

宋廷元

上三十七
名

雷智生

年春與陳
匪光保戰

藍山縣圖志

卷二十九 人物附忠烈表二

七

廖得勝

死

厲楨才

唐祥雲

陳求保

黃世富

唐閏冲

周德興

李才發

初十
於八
祠日
堂與
墟匪
戰於
初八
於祠
堂與
墟匪

十三
年名
九俱
月以

亡陣

志卷二十九人物篇附忠烈表二終